



Fig. 130. *Tragopogon agrostiphyllus* (K. 3311 — a Achäne mit Pappus). $\frac{2}{3}$.

Tragopogon agrostiphyllus Rech.
fil. & Köie, n. sp. — Fig. 130.

Radix fusiformis elongata verosimiliter biennis. Caules plures ad 25 cm longi tenues glaucescentes tenuiter pallide striati, subsimplices vel saepius profunde furcati, internodiis mediis 4—5 cm longis, superioribus magis elongatis, pedunculis fructiferis superne paulum incrassatis. Folia omnia tenuissime linearifiliformia flaccida glaucescentia paucinervia (nervis 3—5), prope basin paulum dilatata gossypino-floccosa ceterum glabra. Folia basalia numerosa, basi vaginiformi-dilatata, pallide membranacea, ad 10 cm longa; folia caulin a sensim breviora summa ca. 3 cm longa. Flores ignoti. Involucrum fructiferum 4.5—5 cm longum pappum paulo superans; phylla anguste lanceolata, prope basin \pm 5 mm lata, anguste membranaceo-marginata, apicem versus sensim longe attenuata pallide flavescentiviridia et \pm glaucescenti-subpruinosa, tenuiter longitudinaliter striato-nervosa, glabra. Achaenia \pm 15 mm longa carneo-brunescentia, tenuiter longitudinaliter costato-striata, omnino dense minute pallide muriculata, in rostrum \pm 6 mm longum pallidum apice subito infundibuliformi-dilatatum attenuata. Pappus \pm 2 cm longus, multiradiatus, radiis inaequalibus plumosis, primum sordide albis deinde purpurascenti-violascentibus. — *T. agrostiphyllus* monente M. OWNBEY *T. angustissimo* S. Nikit. proximus videtur et cum eo accuratius comparandus.

C: Farakulum, 2700 m, 19.VII.1948
(KÖIE 3311, hb. W., C.). — E: Paghman,
Begtut, Geröll, 21. VIII. 1951 (V. 2215 b,
hb. W.).